

## **Rapport dalla sessiun dil cussegl da vischnaunca dils 04-05-2015**

### **Tractanda 1**

### **Approbaziun dil protocol dalla sessiun dils 20-04-2015**

Il protocol dalla sessiun dils 20-04-2015 vegn approbaus en votaziun unanima cun engraziament.

### **Tractanda 2**

### **Crear ina nova piazza stabla per l'administraziun communal**

Dapi la mort digl antetier canzlist communal mauncan procents da lavur ed in substitut per il canzlist communal. Actualmein vegn la canzlia administrada cun totalmein 300 pertschien da lavur. Per tut las lavurs dall'administraziun communal e per la realisaziun dils projects sin plaun cantunal sco era communal quenta la suprastanza communal ch'ei drovi rodund 400 pertschien pensum da lavur. Cusseglieras e cussegliers han retschiert in detagliu messadi che muossan ora il basegns da persunal.

**Il cussegl da vischnaunca autorisescha la suprastanza communal cun 11 vuschs e duas abstenziuns da scaffir ina piazza per l'administraziun communal cun pensum da 80-100%.**

### **Tractanda 3**

### **Elecziun d'ina cumissiun predeliberonta per in uorden da parcar enteifer la vischnaunca da Trun**

En vischnaunca existan rodund 80 parcadis publics. Pigl entir territori communal exista denton negin concept da parcar, quei caschuna adina puspei problems e discussiuns. La suprastanza communal tila perquei en consideraziun da realisar in concept da parcar.

La cumissiun predeliberonta per in uorden da parcar duei elaborar in concept da parcar che cuntegn pliras variantas, quei eventualmein en collaboraziun cun in biro d'inschignier da traffic e cun la polizia cantunala. En cass che la cumissiun vegn tier la conclusin ch'ei basegni buc in concept da parcar enteifer la vischnaunca da Trun vegn dau giu rapport al cussegl da vischnaunca e dumandau da slijar si la cumissiun predeliberonta.

### **Il cussegl da vischnaunca elegia:**

Il gerau da vias Curdin Tuor

Kurt Wolf

Rafael Guldimann

### **Tractanda 4**

### **Nominaziun d'ina persuna pil cussegl d'administraziun Campadi Trun SA**

Il cussegl communal vegn dumandaus da nominar ina persuna che remplazza Flurin Maissen el cussegl d'administraziun Campadi Trun SA.

**Il cussegl da vischnaunca nominescha Patricia Trento el cussegl d'administraziun per la perioda d'uffeci 2015-2017.**

### **Tractanda 5**

### **Verificaziun dalla votaziun e dallas elecziuns communalas dils 30-11-2014**

Cusseglia Rafel Guldimann declara che Flurin Decurtins, Adrian Maissen ed el hagien sco commembers dalla cumissiun per verificaziun da votaziuns communalas controllau ils resultats dallas elecziuns communalas e dalla votaziun communal dil november 2014 ed

anflau tut en uorden. En num dalla cumissiun propona Rafael Guldemann da verificar ils resultats publicai.

**En votaziun unanima verifichescha il cussegl ils resultats publicai dalla votaziun e dallas elecziuns dils 30-11-2014.**

**Tractanda 6                      Pusseivladad da tschentar damondas**

Dalla pusseivladad da tschentar damondas vegn fatg diever.

**Per il cussegl da vischnaunca**

Il president  
Flurin Decurtins

L'actuara  
Sandra Gautschi